



REPUBLIKA E SHQIPËRISË

KONTROLLI I LARTË I SHTETIT
SEKRETAR I PËRGJITHSHËM
SEKTORI I FINANCËS

Nr. 491 Prot.
2020

Tiranë, më . 29.05.2020

Drejtuar : **MINISTRISË SË FINANCAVE
DREJTORIA E PËRGJITHSHME E BUXHETIT
DREJTORIA E MONITORIMIT DHE MENAXHIMIT TË BUXHETIT**

TIRANË

Lënda: Mbi raportin e monitorimit të buxhetit për periudhën Janar-Prill të vitit 2020.

Në mbështetje të Ligjit nr.88/2019 “Për buxhetin e vitit 2020”, dhe në vijim të udhëzimit të Ministrit të Financave nr. 2, datë 06.02.2012, “Procedurat standarde të zbatimit të buxhetit” i ndryshuar , udhëzimit plotësues të Ministrit të Financave nr.2, datë 20.01.2020 “Për zbatimin e buxhetit të vitit 2020”, Udhëzimit nr 22 datë 17.11.2016 “Për procedurat standarde të monitorimit të buxhetit në NJQQ”, lutemi gjeni bashkëlidhur Raportin e Monitorimit të Buxhetit të katërmujorit te pare te vitit 2020 të Kontrollit të Lartë të Shtetit.

Raporti i monitorimit të katërmujorit te pare te vitit 2020 krahas analizës së shpenzimeve buxhetore në nivel programi përmban dhe një analizë të objektivave institucionale referuar performancës buxhetore të orientuar drejt rezultateve.

Duke Ju falënderuar për frymën bashkëpunuese,

PËRMBAJTJA

<i>-Hyrje.....</i>	<i>3.</i>
<i>-Raport i monitorimit të buxhetit të KLSH-se 4 mujori i I i vitit 2020.....</i>	<i>3-4</i>
<i>-Analiza e realizimit të buxhetit të KLSH-së 4 mujori i I i vitit 2020.....</i>	<i>5-9</i>
<i>-Analiza e objektivave institucionale të KLSH-së, referuar buxhetit të orientuar në rezultate.</i>	
<i>-Mbi realizimin e objektivave të menaxhimit institucional.....</i>	<i>10-17</i>
<i>-Aneksi Nr 1- Raporti i Shpenzimeve sipas Programeve.....</i>	<i>18</i>
<i>-Aneksi Nr 2- Raporti i shpenzimeve të Programit sipas artikujve buxhetorë.....</i>	<i>19</i>
<i>-Aneksi Nr 3- Raporti përmbledhës i realizimit të treguesve të performancës /produkteve të programit.....</i>	<i>20</i>
<i>-Aneksi Nr 4- Raporti i realizimit të objektivave të politikës së programit.....</i>	<i>21</i>
<i>-Aneksi Nr 5- Projektet e investimeve me financim të brendshëm dhe të huaj.....</i>	<i>22</i>

HYRJE

KLSH ka kryer monitorimin e buxhetit të katermuorit te pare te vitit 2020, nëpërmjet vlerësimit të performancës së fondeve buxhetore dhe krahasimit të treguesve faktikë të performancës me ato të planifikuar.

Nëpërmjet këtij raporti monitorimi evidentohet niveli i realizimit të fondeve buxhetore të KLSH-së të detajuar në nivel kategori shpenzimi buxhetor kundrejt treguesve të planifikuar duke mundësuar në këtë mënyrë riorientimin dhe sigurimin e një informacioni shtesë për të përmirësuar procesin e planifikimit dhe të menaxhimit të buxhetit.

Në vijimësi dhe strukturat respektive të KLSH-së kanë kryer monitorimin e treguesve buxhetore më qëllim ndjekjen në vijimësi të objektivave të synuar dhe të përcaktuar në Deklaratën e politikës së programit të KLSH-së të përfshirë në Strategjinë e Zhvillimit Institucional 2018-2022.

Në mbështetje të Ligjit nr.88/2019 “Për buxhetin e vitit 2020”, dhe në vijim të udhëzimit të Ministrit të Financave nr. 2, datë 06.02.2012, “Procedurat standarde të zbatimit të buxhetit” i ndryshuar , udhëzimit plotësues të Ministrit të Financave nr.2, datë 20.01.2020 “Për zbatimin e buxhetit të vitit 2020”, si dhe të udhëzimit të Ministrit të Financave nr. 22, datë 17.11.2016 “Për procedurat standarde të monitorimit të buxhetit në NJQQ ”, për periudhën Janar-Prill të vitit 2020, performanca e realizimit të buxhetit, paraqitet si më poshtë:

PROGRAMI 01120 “VEPRIMTARI AUDITUESE E KLSH-SE”

Buxheti i akorduar për programin “Veprimtari auditueses e KLSH-së”, ka në bazë të tij Deklaratën e Politikës të hartuar gjatë procesit të PBA 2020-2023 dhe është në funksion të realizimit të politikës së përcaktuar në DPP.

Politika buxhetore e KLSH-se eshte fokusuar ne përmbushjen me cilësi të lartë dhe në kohë të detyrimeve ligjore, të objektivave si dhe prioriteteve të institucionit të parashikuar në Planin e Zhvillimit Strategjik, 2018-2022, duke konsideruar kërkesat e organizmave ndërkombëtarë të auditimit dhe të BE-së të përcaktuara në MSA-në e Shqipëri-BE dhe të monitoruara në kuadrin e Integrimit Europian.

Përgjatë vitit 2020 KLSH vijoi me ushtrimin e veprimtarise institucionale ne permbushje te objektivave prioritare strategjike te zhvillimit institucional, që konsistojnë në:

- 1. Rritja e impaktit të punës audituese me fokus në 6E-të.***
- 2. Optimizimi i kapaciteteve profesionale, aftësive audituese, procedurave të punës, logjistikës dhe funksioneve të tjera mbështetëse.***
- 3. Përmirësimi i kanaleve të komunikimit dhe bashkëpunimit.***

Përsa i përket kërkesave buxhetore, duke vlerësuar dhe gjendjen aktuale financiare, menaxhimi i buxhetit eshte fokusuar ne financimin e shpenzimeve ne funksion të

përmbushjes së objektivave prioritare strategjike që KLSH ka programuar në harkun kohor 2020-2022 në planin strategjik institucional në drejtimet e mëposhtme:

- Fokusi në rritje drejt auditimit të performances, duke synuar rritjen e numrit dhe të kualitetit të auditimeve të performancës, në funksion të arritjes së parametrave të SAI-ve homologe, shtimin e kapaciteteve njerëzore dhe infrastrukurore për këtë lloj auditimi, asistimin në formulimin e parametrave të performancës në sektorë të administratës publike etj.
- Kryerja e auditimit financiar në përputhje me standardet nderkombetare të auditimit (certifikimi i pasqyrave financiare) dhe shtimi i numrit të auditimeve financiare.
- Konsolidimi i Auditimit të Perputhshmerisë vlerësuar sipas kërkesave ISSAI-ve.
- Thellimi në auditimin e teknologjisë së informacionit shtimi i numrit të auditimeve IT dhe konsolidimi i cilësisë nëpërmjet zbatimit të Standarteve Ndërkombëtare ISSAI.
- Rritjen e performancës së veprimtarisë audituese përmes forcimit të kapaciteteve institucionale të KLSH, duke ruajtur nivelin që KLSH ka konsoliduar tashme përgjatë periudhës 2012-2019,
- Përmirësimin e metodologjive/manualeve të auditimit, duke zhvilluar dhe metodologji të veçanta, si ajo e auditimit të mashtrimit financiar, integritetit dhe etikës.
- Nxitja dhe promovimi i vlerave të larta profesionale të audituesve nëpërmjet zhvillimit të trajnimeve dhe optimizimit të kapaciteteteve profesionale.
- Zbatimi i standardeve profesionale nëpërmjet zhvillimit të metodologjive dhe standardeve profesionale të aplikueshme në përputhje me praktikën më të mirë të komunitetit të INTOSAI-t.
- Zhvillimin e infrastrukturës së teknologjisë së informacionit.
- Zhvillimin dhe kualifikimin e burimeve njerëzore konform implementimit të Dokumentit të Politikës së Burimeve Njerëzore në KLSH miratuar me Vendim të Kryetarit nr 128 datë 31.12.2017.
- Rritjen dhe konsolidimin e cilësisë së botimeve me materiale që i shërbejnë procesit të auditimit etj.

**“RAPORTI I SHPENZIMEVE FAKTIKE TË PROGRAMIT SIPAS ARTIKUJVE
PËR 4/MUJORIN 2020”**

Në zbatim të Ligjit 88/2019, “Për buxhetin e vitit 2020”, është bërë miratimi i çeljes së fondeve buxhetore për vitin 2020, për institucionin e Kontrollit të Lartë të Shtetit.

Fondet e alokuara për funksionimin e aktivitetit të Kontrollit të Lartë të Shtetit, sipas zërave për katërmujorin e parë të vitit 2020, paraqiten si më poshtë:

000/leke

Grupi	24	Kodi	1024001
Programi	Veprimtaria Audituese e K.L.Sh.	Titulli	1120

Artikulli Kodi	EMERTIMI ARTIKULLIT	Buxheti fillestar vjetor 2020	BUXHETI PLAN FAKT			Diferenca	Ne % Realizim 4 / MUJOR 6/5
			Buxheti i Rishiku ar Akt- Normat iv Nr.15, datë15.0 4.2020	Buxheti Janar – Prill 2020	Fakti Janar- Prill 2020		
1	2	3	4	5	6	5-6	6/5
600	Paga	274.000,00	270.000	90.000	85.765	4.235	95%
601	Sigurime Shoqërore	42.000,00	42.000	14.000	13.380	620	95%
602	Mallra dhe Shërbime të Tjera	80.850,00	71.850	23.950	16.477	7.473	69%
605	Transferta Korente të Huaja	150,00	150	150	118	32	78%
606	Trans per Buxh. Fam. & Individ	600,00	600	600	313	287	52%
Totali	Shpenzime Korrente	397 600,00	384.600	128.700	116.053	12.647	90 %
230+231	Investime me Financim te brendshem	29.000,00	18.000	18.000	9.231	8.769	51%
231	Investime me Financim te huaj	18.036,00	18.036	18.036	0	18.036	
Totali	Shpenzime Kapitale	47.036,00	36.036	36.036	9.231	26.805	51%
Totali	Korrente dhe Kapitale	444.636,00	420.636	164.736	125.285	39.452	76 %

ANALIZA E REALIZIMIT TË BUXHETIT TË KLSH-SË PËR 4-MUJORIN E I TË VITIT 2020

Bazuar ne Ligjit 88/2019, “Për buxhetin e vitit 2020” KLSH per vitin 2020 u miratua fondi ne total ne vlerën 444.6 milione leke.

KLSH ndërmori procesin e analizës së buxhetit në kuadrin e situatës së krijuar nga gjëndja e fatkeqësisë natyrore për shkak të COVID-19. Ne funksion te kësaj analize u krye *rishikimi i prioriteteteve* në drejtim të orientimit të burimeve buxhetore në aktivitetet dhe veprimtaritë më të domosdoshme në kushtet e një regjimi të rreptë të administrimit ekonomik dhe eficient te fondeve te shpenzimeve operative dhe të investimeve për vitin 2020.

Me Vendimin e Kryetarit nr 21 datë 31.03.2020 “Mbi shkurtimin e fondeve te buxhetit te KLSH-se, të shpenzimeve operative dhe të investimeve për vitin 2020 dhe kalimin e tyre ne favor te buxhetit te shtetit për përballimin e situatës se fatkeqësisë natyrore te COVID-19”, është vendosur pakësimi i fondeve buxhetore të KLSH-së, si më poshtë vijon:

1. Fondet e investimeve me objekt “Blerje makina” në vlerën prej 9700 mijë lekë, që përfaqëson 100% të shpenzimeve të planifikuara për këtë zë të investimeve, pakësohen dhe do të kalojnë në favor të buxhetit për përballimin e situatës së fatkeqësisë natyrore COVID-19. Me vendimin e Kryetarit nr. 19 datë 27.03.2020 “Për anullimin dhe pezullimin e procedurave të prokurimeve fondeve për investime dhe operative për vitin 2020, për shkak të situatës së shkaktuar nga COVID-19” KLSH ka kërkuar anullimin e menjëhershëm të procedurës së prokurimit të fondeve nga Ministria e Brendshme Agjencia e Blerjeve te perqendruara) me objekt prokurimi “Blerje makina” vlere 9 700 mijë lekë.

2. Fondet e investimeve me objekt “Blerje pajisje kompjuterike” në vlerën fillestare prej 7 742 mijë lekë pakësohen në vlerën 2 240 mijë lekë, që përfaqëson rreth 30 % te fondit për këtë zë të investimeve dhe bazuar ne Vendimin e mësipërm u adresua kërkesa AKSHII-t per pezullimin e procedurës se prokurimit.

3. Fondet buxhetore të shpenzimeve operative të mirëmbajtjes pakësohen në vlerën 9 000 mijë lekë ose në 10% të buxhetit vjetor .

4. Në zërin “ Paga” mbështetur në Urdhrin e Kryetarit nr. 41, datë 20.03.2020 “Për kontributin financiar te Kryetarit te KLSH-së, në kuadër të masave për të marra për shkak të COVID -19” ka vijuar kryerja ndalesat në masën 50 % të pagës së Kryetarit, dhe është proceduar me kalimin e kontributit financiar në fondin ANTI-COVID 19.

5. Për sa më lart, KLSH adresoi kërkesën për bashkëpunimin me Ministrinë e Financave, për kryerjen e veprimeve për pakësimin e fondeve në favor të buxhetit për përballimin e fatkeqësisë natyrore COVID-19, në shumën totale 20 940 mijë lekë nga të cilat 11 940 mijë lekë në zërin investime që përfaqëson rreth 42% të fondeve të investimeve me financim të brendshëm dhe 9 000 mijë lekë në zërin shpenzime operative ose 10% të totalit të fondeve për këtë zë buxhetor.

1- Pagat, Sigurimet Shoqërore dhe Shëndetësore. Llogaria 600-601

Fondi i alokuar nga buxheti i shtetit për vitin 2020 për zërin Paga dhe Sigurime është 316,000 mijë lekë, nga të cilat:

-Pagat nga 274 000, mijë lekë të akorduar me Ligjin nr.88/2019 “Për buxhetin e vitit 2020”, i ndryshuar me Aktin –Normativ nr.15, datë 15.04.2020, janë në shumën 270.000 mijë lekë, në katërmujorin e parë të vitit 2020, duke kryer shkurtimin e fondeve në vlerën prej 4 milione lek. Fondi faktik i pagave rezulton në vlerën 85,765 mijë lekë ose 95 % e planit 4 mujor 2020.

-Sigurimet shoqërore dhe shëndetësore nga 42,000 mijë lekë të planit vjetor të vitit 2020 janë shpenzuar në vlerën 13,380 mijë lekë ose 95 % e planit 4 mujor 2020.

Shuma e shpenzuar në zërin Shpenzime Personeli, përfshin pagat e punonjësve të KLSH-së dhe të ekspertëve të jashtëm të përkohshëm të kontaktuar dhe paguar komform shkresave dhe kontratave të nënshkruara me ta.

2- Shpenzime për Mallra dhe Shërbime të Tjera. Llogaria 602

Fond i alokuar nga buxheti i shtetit për vitin 2020 në Ligjin nr.88/2019 “Për buxhetin e vitit 2020”, i ndryshuar me Aktin –Normativ nr.15, datë 15.04.2020, për zërin shpenzime operative, është 71.850 mijë lekë, ose 69% e planit 4 mujor të vitit 2020. ky fond i planifikuar për Shpenzime për Mallra dhe Shërbime, për periudhën Janar- Prill 2020 është shpenzuar në masën 16.477 mijë lekë. Nga analiza faktoriale rezulton se një pjesë e procedurave të prokurimit janë në proces. Me këtë zë shpenzimesh janë përballuar mbulimi i nevojave administrative të shpenzimeve si shpenzime për drita, ujë, telefon etj. Në këtë artikull janë kryer shpenzimet për trajnime jashtë dhe brenda vendit dhe për dieta në funksion të veprimtarisë audituese. Organizimi dhe pjesëmarrja në këto aktivitete janë shoqëruar me kostot përkatëse duke u fokusuar në menaxhim sa më të kujdesshëm dhe përdorim sa më me efektivitet të shpenzimeve buxhetore.

Nje pjese te konsiderueshme ne shpenzimet operative e zene shpenzimet per udhëtim e dieta brenda vendit, ku per 4-mujorin e pare te vitit 2020 jane ne proces 57- auditime. Ne kuadrin e pakesimeve te bëra ne kuadrin e fatkeqësisë natyrore Covid u ndërmor procesi i detajimit te fondeve te **shpenzimeve për Mallra dhe Shërbime të Tjera** (zërit 602) duke analizuar kostimin e shpenzimeve dhe proceduar me ngritjen e grupeve te punës.

3- Transferta korrente dhe të huaja. Llogaria 605

Gjatë periudhës raportuese janar-Prill 2020, janë shlyer detyrimet për kuota anëtarësimi për organizatat INTOSAI dhe EUROSAI, në shumën 117 mijë lekë nga 150, mijë lekë të planifikuara.

4- Transferta për buxhetet familjare. Llogaria 606

Gjatë periudhës janar-prill 2020, është dhënë Fond i Veçantë me kërkesat e bëra nga ana jonë dhe të konfirmuara nga Ministria e Financave në vlerën 600 mijë lekë, për daljen e punonjësve në pension, rast fatkeqësie dhe sëmundjeje dhe është realizuar në masën 313 mijë lekë.

5- Shpenzime për investime kapitale. Llogaria 231

Bazuar në Ligjin nr. 98/2019, “Për buxhetin e vitit 2020”, ndryshuar me Aktin –Normativ nr.15, datë 15.04.2020, plani i buxhetit me destinacion Investimet Kapitale ishte në shumën 36.036 mijë lekë nga të cilat 18,000 mijë lekë investime me Financim të Brendshëm.

Shpenzime për Investime Kapitale

1-Financim i Brendshëm

/000 Lekë

Emertimi i Projektit / Financim i Brendshëm	Plani sipas Ligjit	Plani i ndryshuar	Fakti	Diferenca	Kontrata te Lidhura
Blerje paisje kompjuterike	16.880,00	15.580	9.080	6.500,00	Ne proces
Pajisje te ndryshme zyre	520,00	520	151	369,00	Ne proces
Blerje automjete	9.700,00	0	0	0	
Kosto lokale	1.900	1.900	0	1.900	Ne proces
Totali	29.000,00	18.000	9.231	8.769	

-Fondi i akorduar nga buxheti i shtetit në blerje “Automjete”, për automjete në vlerën 9,700 mijë lekë. KLSH anuloi kryerjen e procedurave te prokurimit. Ky fond është paksuar në bazë të aktit –Normativ nr.15,datë 15.04.2020 referuar pakesimeve te kryera nga KLSH per shkak te situates COVID.

- Blerje paisje zyrash ,fondi i planifikuar në këtë zë është 520 mijë lekë. Per 4-mujorin e parë në këtë zë janë kryer shpenzime ne masën 151 mije leke, per blerjen e paisjeve te ndryshme për zyrat .

- *Blerje pajisje kompjuterike.* Fondi vjetor, i ndryshuar, është 15.580 mijë lekë. Ky fond është planifikuar për blerjen e pajisjeve të reja kompjuterike.

Për 4 mujorin e pare, është kryer shpenzimi në vlerën 9.080 mijë lekë për pajisje kompjuterike me qellim rritjen e sigurise së sistemeve teknologjike të institucionit.

Në saj investimeve të alokuara për infrastrukturen IT, kjo e fundit u plotësua dhe u zhvillua duke zgjeruar kapacitetet e pajisjeve ekzistuese si dhe duke shtuar në ambientin teknologjik të KLSH-së pajisje që shërbejnë për rritjen e sigurisë së informacionit (Email Security Gateëay dhe Next Generation Fireëall).

Instalimi dhe implementimi i pajisjeve tashmë është i përfunduar. Si rezultat i këtyre investimeve tanimë është rritur siguria e TI në drejtim të shkëmbimit të informacionit përmes postës elektronike, mbrojtjes nga programet dashakeqe (viruse, malëare, spyëare etj.) si dhe ofrohet një pasqyrë më e qartë e rrjetit netëork të KLSH me qëllim optimizimin e tij dhe garantimin e disponibilitetit, integritetit dhe konfidencialitetit të informacionit.

Nga ana e Drejtorisë së TI në KLSH, është bërë i mundur zhvillimi i një portali të sigurtë (portal.klsh.org.al) në të cilin janë implementuar sistemet teknologjike të KLSH-së:

- Posta elektronike (mail.klsh.org.al)
- Sistemi i Informacionit për Mbështetjen dhe Menaxhimin e Procesit të Auditimit (revzone.klsh.org.al)
- Intranet (intranet.klsh.org.al)

Shpenzime për Investime Kapitale
1-Financim i Huaj

/000 Lekë

Emertimi i Projektit / Financim i Brendshëm	Plani sipas Ligjit	Plani i ndryshuar	Fakti	Diferenca	Kontrata te Lidhura
Forcimi i rolit të Auditimit të Jashtëm	18.036	18.036		18.036	Ne proces
Totali	18.036	18.036	0	18.036	

Në artikullin 230 “Shpenzime kapitale të patrupëzuara të huaja” për vitin 2020, është parashikuar investime për zbatimin e projektit,” Forcimi i rolit të Auditimit të Jashtëm në mbikqyrjen e partneritetit publik-privat në Shqipëri”.

Projekti ”Forcimi i kapaciteteve në auditimin e prokurimeve publike, koncesioneve dhe PPP-ve” është përgatitur nga KLSH qysh në vitin 2016, si pjesë e aplikimit për mbështetje nga INTOSAI - IDI Donor Cooperation.

Projekti u shpall fitues nga IDI, të cilët e referuan propozimin tek Banka Botërore nën Programin SAFE, por për shkak të numrit të lartë të aplikimeve KLSH-së iu sugjerua kontaktimi me zyrën e SECO (Sëiss State Secretariat for Economic Affairs).

Pas takimeve dy palëshe të realizuara kryesisht gjatë fundvitit 2019, u dakordësua për financimin e projektit në shumën totale prej 264’000 USD, prej të cilave 239’100 USD janë financim i SECO dhe 24’900 USD (10% e vlerës) financim nga buxheti i shtetit për KLSH-në. Projekti do të ketë një kohëzgjatje 2 vjeçare dhe marrëveshja për fillimin e tij u nënshkrua në ambientet e KLSH-së, në datën 9 mars 2020 nga Kryetari i KLSH-së, dhe nga Ambasadori i Konfederatës Zvicerane në Republikën e Shqipërisë.

Qëllimi kryesor i projektit është rritja e kontributit të KLSH-së për të forcuar llogaridhënien qeveritare në përdorimin e fondeve publike përmes auditimeve më profesionale dhe gjithëpërfshirëse të prokurimeve publike, koncesioneve dhe partneriteteve publike-private, duke përdorur mjete IT në kryerjen e auditimeve financiare, përputhshmërisë dhe performancës në përputhje me standardet ndërkombëtare të auditimit dhe praktikën e mira profesionale për sektorin publik.

Objekti i përgjithshëm i projektit është të nxisë mbikqyrjen publike dhe të rrisë cilësinë, transparencën dhe frenimin e korrupsionit në ofertat publike, koncesionet dhe partneritetet publike-private (PPP). Ky projekt do të bëjë të mundur krijimin e eksperiencave të reja dhe do të përsosë njohuritë dhe aftësitë e audituesve të KLSH-së për të mbikqyrur fushën e koncesioneve dhe kontratave të partneritetit publik-privat duke sjellë dhe plotësimin e një kornize të përshtatshme për të siguruar që këto lloj kontratash ofrojnë vlerë të shtuar dhe minimizojnë risqet në kushtet e financimit publik. I gjithë ky proces nuk mund të bëhet pa garantuar që audituesit kanë aftësitë e duhura teknike lidhur me përdorimin e mjeteve të teknologjisë së informacionit në auditim.

Projekti do të mundësojë auditime më cilësore dhe do të japë rekomandime me vlerë të shtuar në mirëmenaxhimin e kontratave të PPP-ve, duke përmiresuar dhe kuadrin ligjor të realizimit të tenderave publike përkatës dhe të lidhjes dhe zbatimit të kontratave koncesionare. Ky projekt dy vjeçar do të ndihmojë dukshëm në drejtim të auditimit më profesional të fondeve publike në fushën e koncesioneve dhe PPP-ve në Shqipëri.

Bashkëpunimi mes KLSH-së dhe Sekretariatit të Shtetit për Çështjet Ekonomike (SECO) i Konfederatës zvicerane do të mbështesë ngritjen e kapaciteteve profesionale të audituesve të

KLSH-së, por do të jetë njëkohësisht edhe promotori i mbështetjes së Konfederatës së Zvicrës për Republikën e Shqipërinë.

ANALIZA E OBJEKTIVAVE INSTITUCIONALE TË KLSH-SË, REFERUAR BUXHETIT TË ORIENTUAR NË REZULTATE PËR PERIUDHEN 4 MUJORI I I VITIT 2020

KLSH përgjatë 4 mujorit të parë të vitit 2020 vijoi veprimtarinë menaxheriale institucionale suportuar nga një qeverisje e brendshme efektive dhe mirefunksionimi të sistemeve të kontrollit të brendshëm duke siguruar përputhshmëri me standardet e kontrollit të brendshëm me qëllim sigurimin e një zhvillimi të qëndrueshëm dhe përmbushjen e objektivave Strategjike në nivelin e pritshmerive të synuara drejt konsolidimit të reformave të ndërmarra, në përputhje me standardet ndërkombëtare të auditimit, ISSAI, me rekomandimet e Progres Raporteve të BE, me detyrimet kushtetuese dhe me pritshmëritë e Kuvendit, publikut dhe të gjitha palëve të interesit.

1. MISIONI, VIZIONI DHE OBJEKTIVAT E KLSH-së

Kushtetuta e Republikës së Shqipërisë në katër nene të saj ka qartësisht të shprehur misionin dhe nivelin pavarësisht të Kontrollit të Lartë të Shtetit, të cilat formëzojnë identitetin institucional të tij. Ky mision dhe funksionimi institucional janë strukturuar dhe sanksionuar në detaje në Ligjin nr.154/2014 “Për Organizimin dhe Funksionimin e Kontrollit të Lartë të Shtetit”, mbi bazën e të cilave janë ndërtuar të gjitha aktet rregullative institucionale dhe metodologjike të institucionit.

Misioni i KLSH-së

KLSH është institucion i pavarur kushtetues, i ndërtuar që ti shërbejë qytetarit shqiptar, të jetë “agjent” i Kuvendit dhe palëve të interesit duke i informuar në mënyrë të vazhdueshme, të paanshme dhe të plotë, mbi përgjegjshmërinë që qeveria dhe entet publike tregojnë në përdorimin e kontributit të taksapaguesve shqiptarë e duke kontribuar në përmirësimin e qeverisjes nëpërmjet luftës kundër korrupsionit.

Në përmbushje të kërkesave ligjore, standardeve ndërkombëtare të auditimit dhe të institucioneve supreme të auditimit të INTOSAI-t dhe EUROSAT-t si dhe akteve rregullatore, KLSH kryen auditime financiare, të përputhshmërisë, të rregullshmërisë, të performancës, të teknologjisë së informacionit, si edhe ndërmerr vlerësime të sistemit të menaxhimit financiar e kontrollit dhe njësisë të auditimit të brendshëm të strukturave qeverisëse dhe ente të tjera publike.

KLSH ka funksionuar do të vazhdojë të veprojë si një agjent ndryshimi, në shërbim të qytetarit dhe të qeverisjes së mirë, duke reflektuar vlerat dhe parimet e një SAI modern, anëtar i komunitetit të INTOSAI-t i udhëhequr nga motoja “*Të gjithë të bashkuar në ambicje dhe vendosmëri*”

Vizioni shkon përtej qasjes tradicionale të fokusuar në vlerësime dhe konstatime. Audituesit e jashtëm publikë e realizojnë aktivitetin e tyre jo vetëm duke vepruar por duke bashkëvepruar nëpërmjet rekomandimeve dhe këshillimeve të subjekteve publike të audituara për të maksimizuar vlerën e parasë publike.

Vizioni i KLSH-së

KLSH është një institucion model që udhëheq nëpërmjet shembullit, që nxit rritjen e përgjegjshmërisë, transparencës, dhe përdorimit me efektivitet, eficiencë dhe ekonomikitet të pasurisë publike, duke forcuar integritetin dhe besimin e publikut tek institucioni, për të qenë vlerë e shtuar për shoqërinë dhe të sjellë ndryshim në jetën e qytetarëve.

Misioni dhe vizioni orientojnë mënyrën sesi institucioni duhet të performojë për të: garantuar përgjegjshmërinë, transparencën dhe integritetin e qeverisë dhe njësisve të tjera të sektorit publik; nxitur llogaridhënien para Parlamentit dhe rritur transparencën për qytetarët; duke qenë një organizatë model që udhëheq nëpërmjet shembullit.

Kontrolli i Lartë i Shtetit, përmbush misionin dhe realizon veprimtarinë në zbatim të tetë parimeve: Pavarësia; Profesionalizmi; Bashkëpunimi; Përgjegjshmëria; Bashkëpunimi; Përgjegjshmëria; Integriteti; Objektiviteti; Interesi Publik; Transparenca

Zhvillimi i KLSH mbështetet në Strategjinë Afatmesme të Zhvillimit të Institucionit të miratuar nga Kryetari KLSH me Vendimin nr date per periudhen 2018-2022. Ne kete strategji KLSH ka përcaktuar Misionin dhe vizionin institucional te se ardhmes. Objektivi i ISSAI-t 12, sipas të cilit “SAI duhet të jetë një organizatë model që udhëheq nëpërmjet shembullit”, përbën boshtin mbi të cilin është hartuar Strategjia e Zhvillimit të KLSH-së dhe që synon të sigurojë: transparencën dhe përgjegjshmërinë e duhur; qeverisjen e mirë; pajtueshmërinë me Kodin e Etikës; ndërtimin e kapaciteteve nëpërmjet promovimit të të mësuarit dhe shpërndarjes së njohurive.

Kështu, për qëllimin e parë strategjik “Rritja e impaktit të punës audituese me fokus 6E-të” janë përcaktuar si objektiva:

- Forcimi i pavarësisë dhe mandatit të KLSH;
- Auditimi mbi bazë risku – qasje efektive e auditimit;
- Kryerja e auditimit financiar në përputhje me standardet ndërkombëtare të auditimit;
- Fokusi në rritje drejt auditimit të performancës;
- Thellimi në auditimin e Teknologjisë së Informacionit;
- Konsolidimi i auditimit të përputhshmërisë vlerësuar sipas kërkesat e ISSAI-ve
- Cilësia si prioritet i KLSH - përmirësimi i cilësisë dhe përfitimi nga auditimet e KLSH;
- Forcimi i ndjekjes së zbatimit të rekomandimeve, rritja e nivelit të rekomandimeve të pranuar dhe të zbatuara;
- Rritja e impaktit të raportimeve nëpërmjet rritjes së përdoruesve të produkteve të KLSH-së; dhe
- Roli i KLSH-së në luftën kundër korrupsionit.

Qëllimi i dytë strategjik “Optimizimi i kapaciteteve profesionale, aftësive audituese; procedurave të punës, logjistikës dhe funksioneve të tjera mbështetëse” ka si objektiva:

- Korniza e Matjes së Performancës - si mjet vlerësimi dhe faktor zhvillimi të veprimtarisë së KLSH-së;
- Zbatimi i standardeve profesionale nëpërmjet zhvillimit të metodologjive dhe standardeve të aplikueshme në përputhje me praktikat më të mira të profesionit;

- Nxitja dhe promovimi i vlerave të larta profesionale të audituesve nëpërmjet kultivimit të kulturës të të mësuarit gjatë gjithë jetës;
- Forcimi i sistemit të strukturuar të edukimit profesional nëpërmjet certifikimit të audituesve publikë dhe zhvillimit të vazhdueshëm;
- Implementimi dhe monitorimi i vazhdueshëm i dokumentit të politikave të burimeve njerëzore të KLSH-së.
- Integriteti si vlerë themelore
- Forcimi i sistemit të kontrollit të brendshëm.

Për qëllimin e tretë strategjik “Përmirësimi i kanaleve të komunikimit dhe bashkëpunimit” është përcaktuar realizimi i objektivave;

- Konsolidimi i marrëdhënieve të KLSH-së me Parlamentin;
- Roli i KLSH në axhendën e vitit 2030 për zhvillim të qëndrueshëm
- Implementimi dhe monitorimi i vazhdueshëm i Strategjisë për komunikim të KLSH-së;
- Thellimi dhe shtrirja e bashkëpunimit me institucionet e tjera.

Objektiv i vazhdueshëm i *KLSH-së* është të jetë një faktor profesional aktiv dhe partnerë për fuqizimin e mirëqeverisjes financiare dhe llogaridhënies publike në funksion të promovimit të transparencës, eficiencës dhe efektivitetit. Në këtë kuadër thellimi i luftës kundër korrupsionit është në fokus të veprimtarisë institucionale.

Edhe gjatë vitit 2020, objektivat institucionale në të cilin fokuson aktivitetin KLSH-së, konsistojnë në:

- Sfida për orientimin e auditimit bazuar në riskun e gabimeve, mashtrimit dhe korrupsionit është adresuar nëpërmjet zhvillimeve dhe përmirësimeve të metodologjisë, duke u përqendruar në auditimin e sektorëve të ekonomisë me ekspozim më të lartë ndaj këtyre risqeve.
- Konsolidimi dhe rritja e numrit të auditimeve të performancës përmes zgjerimit të temave të fokusimit dhe të rritjes graduale të kapaciteteve profesionale dhe numerike të departamentit.
- Zhvillimi dhe rritja e numrit të auditimeve financiare, dhënia e opinionit për pasqyrat financiare si një hap më tej drejt përmbushjes së objektivit për rritjen e numrit të auditimeve financiare.
- Konsolidimi dhe modernizimi i qasjes për auditimet e përputhshmërisë në të njëjtën linjë me Standardet Ndërkombëtare të Auditimit ISSAI.
- Rritja e cilësisë dhe e numrit të auditimeve IT, si dhe zhvillimi i kapaciteteve të auditimit IT.
- Rritja e besueshmërisë tek institucioni suprem i auditimit, vlerësuar nga perceptimi i qytetarëve është një tregues se auditimet dhe raportimet janë kryer me integritet dhe profesionalizëm të lartë, etj.

-Mbi Menaxhimin e Riskut në funksion të arritjes së objektivave përgjatë periudhës Covid-19

Nje qasje konstruktive e menaxhimit të riskut institucional e prezantuar si një nevojë imediate menaxheriale është aplikuar referuar situatës së fatkeqësisë natyrore Covid -19 ku institucioni u përball dhe vijon të përballë me një sërë risqesh të cilat kërcënojnë arritjen e objektivave.

Me qëllim mitigimin, zbutjen, minimizimin e risqeve Kryetari i KLSH-së adresoi për zbatim një platforme programatike për sigurimin e funksionimit të institucionit dhe të sigurimit të vazhdimësisë së veprimtarisë nëpërmjet pjesëmarrjes proaktive të cdo punonjësi në KLSH.

Kjo u arrit nëpërmjet udhëheqjes menaxheriale nga Kryetari duke adresuar akte administrative, si urdhra vendime apo orientime dhe ftesë për pjesëmarrje për angazhimin e të gjithë stafit në aspektet e kryerjes së veprimtarive online sikurse janë:

- Vijimi i veprimtarisë audituese,
- Ndjekjes se platformës se trajnimeve online
- Kryerjes së testimeve,
- Zgjerimit të njohurive profesionale audituese (por jo vetëm),
- Dhenjes së mundësisë të çdo anëtari te stafit te KLSH-se të paraqesë ide apo platforma për zhvillimin dhe progresin institucional,
- Ngritja e grupeve të punës për përditësimin e përmirësimin e manualeve të auditimit të i)performances, ii)financiar, të iii) buxhetit iv) përputhshmërisë të ndjekjes së zbatimit të rekomandimeve dhe hartimit të regjistrit institucional IT të ndjekjes së zbatimit të rekomandimeve
- Dhe drejtime të tjera të veprimtarise menaxheriale.

-Mbi veprimtarine audituese te KLSH -së për katërmujorin e parë të vitit 2020

KLSH, gjatë katërmujorit të parë të vitit 2020 ka arritur të realizojë objektivat e vendosura në planin vjetor të auditimeve, në tërësi dhe sipas departamenteve, por nuk ka realizuar objektivin e auditimeve të evaduara, sepse për shkak të situatës së krijuar nga COVID-19, shumë subjekte nuk kanë mundur të përcjellin observacionet duke sjellë për pasoje shtyrjen e afateve të auditimit. Për periudhën janar – Prill 2020, Kontrolli i Lartë i Shtetit është angazhuar 66 misione auditimi.

-Mbi veprimtarinë menaxheriale në drejtim të komunikimit, transparencës dhe bashkëpunimit

Komunikimi dhe bashkëpunimi me median ka vijuar me të njëjtën frymë dhe intensitet edhe gjatë vitit 2020. Shtypi i shkruar ka pasqyruar raportet dhe deklaratat për shtyp të KLSH-së në një numër prej 194 artikuj, njoftime, editoriale dhe komente analitike për periudhën janar-prill 2020.

Për periudhën shtatë-vjeçare 2013-2019 të gjithë audituesit e KLSH-së kanë botuar në total 764 artikuj në pothuajse të gjitha gazetat e vendit dhe vetëm gjatë periudhës katër mujore janar-prill 2020, audituesit e KLSH-së kanë qenë prezentë pothuajse në të gjitha gazetat me 77 shkrime. Shkrimet e audituesve janë botuar në 12 volume dhe aktualisht po përgatitet volumi i XIII-të i këtij botimi.

Gjatë vitit 2019, Kontrolli i Lartë i Shtetit ka pasuruar kolanën e tij të botimeve me 11 tituj dhe kjo traditë e mirë e krijuar nga institucioni që në vitin 2012, po vijon edhe gjatë 2020, vit në të cilin do të botohen 14 tituj, mes të cilëve mund të përmendim :

- Performanca e aktivitetit të KLSH-së për vitin 2019 (në shqip dhe në anglisht);
- Revista Kërkimore-Shkencore, “Auditimi Publik” (Nr.24, Nr.25 dhe Nr.26);
- Audituesit e KLSH-së në shtypin e përditshëm (vëllimi XXIII dhe XIV);
- “Për mirëqeverisjen e qëndrueshme”, botim i Presidentit të SAI-t të Hungarisë;
- Kongreset e INTOSAI-t : INCOSAI XXII dhe INCOSAI XXIII, etj.

Në kuadër të misionit që ka KLSH në drejtim të rritjes së kanaleve të komunikimit për të ofruar transparencë në marrëdhëniet me publikun, përgatit dhe nxjerr në mënyrë periodike

buletinin informativ 3-mujor të auditimit. Për vitin 2020 është përgatitur buletini i parë që i përket periudhës janar-mars 2020.

Bazuar në Ligjin nr.154/2014, datë 27.11.2014 “Për Organizimin dhe Funkcionimin e Kontrollit të Lartë të Shtetit”, në përmbushje të nenit 164 të Kushtetutës së Republikës së Shqipërisë dhe të Ligjit 154/2014, neni 31 “Raportimi në Kuvend” me shkresën nr. 341/3 datë 30.04.2020, KLSH i ka përcjellë Kuvendit Raportin e Performancës së Kontrollit të Lartë të Shtetit, për vitin 2019.

KLSH ka synuar informimin e Kuvendit edhe përmes raporteve të veçanta, të cilat paraqesin rëndësi të veçantë për publikun. Kështu gjatë vitit 2020(në datën 28/04/2020) KLSH i ka përcjellë Kuvendit të Shqipërisë 80 vendime dhe raporte për auditimet e kryera gjatë vitit 2019.

-Bashkëpunimi me SAI-et partnere dhe Institucionet Ndërkombëtare

Për një institucion si Kontrolli i Lartë i Shtetit, misioni i të cilit është rritja e rolit dhe kontributit për menaxhimin sa më të mirë të parasë publike, duke kryer auditime cilësore si dhe duke raportuar mbi rregullshmërinë dhe efektivitetin e përdorimit të të gjitha fondeve publike në dobi të qytetarëve, procesi i bashkëpunimit me institucionet homologe dhe përfitimi i eksperiencës prej tyre nëpërmjet pjesëmarrjes në aktivitete të ndryshme dhe trajnime cilësore është një nga objektivat kryesore. Përmbushja e këtij objektiivi ka për qëllim rritjen e cilësisë së auditimit si dhe zhvillimin profesional dhe individual të audituesve në KLSH.

KLSH gjatë periudhës janar- Prill 2020 janë zhvilluar 6 aktivitete jashtë vendit në të cilat kanë marrë pjesë 22 drejtues dhe auditues të KLSH-së si:

1. Vizita e Kryetarit të KLSH-së në GAO, SHBA, 1-10 shkurt 2020.
2. Konferenca tematik e organizuar nga Zyra Kombëtare e Auditimit të Kosovës, 12 shkurt 2020.
3. Trajnimi për Integritetin organizuar nga SAI i Hungarisë, 17-21 shkurt 2020.
4. Aktiviteti për marrëdhëniet e SAI me parlamentin organizuar nga SAI i Malit të Zi, 19-21 shkurt 2020.
5. Hackathon i parë ndërkombëtar organizuar nga SAI i Çekisë, 3-5 mars 2020.
6. Takimi i self assesment Project Group i ITASA, 3-4 mars 2020.

-Bashkëpunimi KLSH me SAI-t partnere - Vetëvlerësimi i integritetit- “IntoSAINT”

Në datat 17-21 Shkurt 2020, në Kontrollin e Lartë të Shtetit u zhvillua Workshop-i mbi vetëvlerësimin e integritetit IntoSAINT. Ky Workshop u organizua në vijimësi të aktiviteteve të zhvilluara nga Task Forca e EUROSAT-t për Auditimin dhe Etikën.

Aktiviteti u drejtua nga përfaqësueset e SAI-ve të Maqedonisë së Veriut, të Finlandës dhe të Norvegjisë dhe një audituese e KLSH-së, koordinatorë për mbarëvajtjen e këtij aktiviteti. Ky aktivitet e buxhetua në mënyre të pjeshme nga fondet e KLSH-së. Në këtë Workshop morën pjesë 15 auditues të KLSH-së të përzgjedhur nga departamente auditimi dhe stafi administrativ.

IntoSAINT- (Self Assessment INTEgrity), është instrument i zhvilluar nga Gjykata Hollandeze e Auditimit. Ky “mjet” vetëvlerësimi i organizuar në formën e një seminari u mundëson SAI-ve të vlerësojnë cënueshmërinë dhe elasticitetin e tyre ndaj shkeljeve të integritetit, duke hartuar më pas rekomandime për të përmirësuar në rang menaxherial performancën institucionale.

Metodologjia e përdorur për vetëvlerësimin e integritetit në këtë seminar, konsistoi në dy faza:

- Vlerësimin e Dobësive dhe risqeve të integritetit; si edhe
- Përcaktimin e nivelit të maturimit të sistemit të kontrollit të integritetit.

Objekt i këtij procesi ishte e gjithë veprimtaria Institucionale e KLSH-së. Impakt pozitiv pati gjithashtu edhe konsolidimi i kolanës së botimeve të KLSH-së me 113 tituj, duke evidentuar edhe njëherë rëndësinë e veçantë që KLSH i ka dhënë librit dhe botimeve profesionale të fushës, si edhe pjesëmarrja në shtypin e shkruar dhe media e audituesve, me qëllim promovimin e aktivitetit auditues dhe informimin e qytetarëve duke rritur kështu impaktin e auditimeve të kryera nga KLSH.

Mbi zhvillimin e vazhdueshëm profesional dhe të forcimit të kapaciteteve të trupës audituese. Trajnimet e kryera.

- Rritja e kapaciteteve & trajnimin online në KLSH dhe ecuria e procesit të trajnimeve në distancë (on line).

Për periudhën e fatkeqësisë natyrore COVID-19 ka vijuar trajnimi i audituesve në distancë, ose Trajnimi Online, në kushtet që audituesit nuk janë të pranishëm fizikisht në auditor apo salla leksionesh e konkretizuar në Platformën e Trajnimit në Distancë, miratuar me nr. 145/3, datë 16 mars 2020, ku përfshihen kater jave trajnim ne distance ne tre module te strukturuar si dhe janë kryer testime për këto trajnime.

Përgjatë periudhës 4-javore 16 mars - 16 Prill 2020, nga gjithë audituesit e KLSH-së është zbatuar dhe avancuar teknika e Edukimit në Distancë, ose Trajnimi Online, në kushtet që audituesit nuk janë të pranishëm fizikisht në auditor apo salla leksionesh, diktuar dhe kushtëzuar nga situata e jashtëzakonshme e pandemisë globale nga shpërthimi i Coronavirusit COVID-19.

Metodologjia trajnuese është aplikuar me sukses nëpërmjet promovimit të angazhimit për ndjekjen rigoroze të trajnimeve.

Për institucionin e Kontrollit të Lartë të Shtetit, trajnimet si elemente të kualifikimit profesional, janë jo thjeshtë e vetëm një indikator për vlerësimin e performancës 6-mujore dhe vjetore të çdo punonjësi, por edhe një Standard Auditimi i njohur, i pranuar dhe i detyrueshëm për zbatim.

-Në Strategjinë e Zhvillimit të KLSH 2018-2022, nënvizohet domosdoshmëria e forcimit të sistemit të strukturuar të edukimit profesional, nëpërmjet certifikimit të audituesve publikë dhe zhvillimit të vazhdueshëm profesional, ku thuhet se:

2. Fokusi, target grupi dhe perfitimet.

I. Trajnimi i periudhës 16 mars - 16 prill 2020 u krye dhe organizua nëpërmjet ndarjes së stafit të audituesve të KLSH në 4 grupe si vijon:

- Grupi i parë: audituesit me formim akademik në financë, kontabilitet, ekonomi, administrim biznesi etj.
- Grupi i dytë: audituesit me formim akademik në shkencat inxhinierike, juridik, shkenca sociale etj.
- Grupi i tretë: audituesit e Departamentit të Auditimit të Performancës,
- Grupi i katërt: audituesit e Departamentit të Auditimit të IT-së.

II. Tre platformat (Grupi I & II, Grupi III dhe Grupi IV) kanë sintetizuar nga katër module secila, të ndjekura në mënyrë interaktive, duke siguruar një përvojë të re trajnimi rezultative dhe efektive.

III. Arsyet përse u aplikua dhe po përdoret teknika e trajnimit online në kuadër të edukimit të vijueshëm të audituesve të KLSH-së:

- o Gjithçka është kushtëzuar nga situata e jashtëzakonshme, e shkaktuar nga pandemia e COVID-19, ndaj për një situatë të pazakonëshme kërkohen masa të jashtëzakonëshme, nënvizojnë udhëheqësit e IFAC.

- o Mënyrë më efektive dhe pa kosto, realizuar njëkohshëm, duke shfrytëzuar dhe fituar kohë në një proces kualifikimi, ndërsa jemi në kushte e izolimit dhe respektojmë rigorozisht urdhëresat e veçimit dhe distancimit shoqëror.

- o Kjo zgjidhje trajnimi plotësisht online, ndihmon në konsolidimin e njohurive ekzistuese dhe shtimin e njohurive të reja, që mund të studiohen nga shtëpia me shtrirje në kohën e gjithë secilit.

- o Burimet e literaturës në dispozicion ofrojnë udhëzime të qarta dhe koncize për të kuptuar kuadrin e integruar të standardeve, rregulloren e procedurave të auditimit, manualët, dhe procesin e auditimit.

- o Mbështetje e asistencë nga Sektori i IT në internet dhe asistencë për teste apo ushtrime që kërkojnë asistim.

- o Metodologjia e zhvillimit të trajnimit është rishikuar plotësisht dhe po përqendrohet kryesisht në funksion të promovimit dhe përafrimit të trajnimit me praktikat më të mira dhe në përputhje me paketën e re të Standardeve Profesionale të INTOSAI (Kuatridhe Integruar IFPP) dhe Rregulloren e Procedurave të Auditimit të KLSH-së.

- o Literatura dhe modulet teorike e multimediale njihen dhe aplikohen gjerësisht e në mënyrë dinamike në të gjithë botën profesionale, ndaj u implementua nëpërmjet studimeve të rasteve praktike, si një informacion i vlefshëm dhe i dobishëm.

- o Trajnimi teorik u harmonizua me kontekste specifike ushtrimore për të mbuluar tema të tilla si risku i auditimit, dobësitë në shkrimin e raportit të auditimit, llogaritja e materialitetit, aplikimi i testeve thelbësore dhe substanciale, kalkulimi i risqeve të zbulimit dhe raporti me parregullsitë materiale, etj.

Audienca e synuar: gjithë audituesit nga departamentet e auditimit apo drejtoritë e tjera në institucionin e KLSH-së, janë përfshirë si pjesë e studimit në këtë paketë studimi inovativ të çështjeve nëpërmjet internetit, ku audituesve iu kërkua të konceptojnë dhe formulonë opinionet, përgjigjet dhe zgjidhjet mbi një nomenklaturë të gjetjeve apo rekomandimeve në një mjedis të simuluar të auditimit, në funksion të zërthimit e shtjellimit të çështjeve që rrjedhin nga literatura që është ofruar më parë.

IV. Suporti nga it dhe reflektimim i ndryshimeve në SIMMPA/ REVZONE

Në funksion të ndjekjes dhe pasqyrimin të trajnimeve online si mundësi alternative e ndarjes dhe shkëmbimit të ideve, u modifikuan dhe përmirësuan opsionet e reja programore si vijon, në:

1. Ëeb-faqen e KLSH-së, nëpërmjet shtimit në panelin “Informacione”, tek grupi “Trajnime”, zërin “Trajnimet Online”.
2. Programin e Sistemit të Informacionit për Menaxhimin dhe Mbështetjen e Proceseve të Auditimit (SIMMPA / RevZone), të dritares/ opsionit “Trajnimet Online”.
3. Hartimit të udhëzimit mbi përdorimin e manualit të Trajnimeve (nga Sektori IT)
4. Hedhja në Revzonë e ecurisë së ndjekjes së trajnimeve të zhvilluara nga çdo auditues (Matrica e ndjekjes së ecurisë Mars-Prill 2020), Informacioni i plotë mbi trajnimet (Raport Progreset javore dhe të përditësuara); postimi i fondit të testeve, pyetjeve, ushtrimeve dhe rasteve studimore, etj.

Ne total janë audituesit e KLSH kishin siguruar një mesatare prej 11 ditë trajnimi /auditues, duke synuar për arritjen e targetit në nivel vjetor prej 25 dite trajnimi/auditues.

KLSH ne vijim me burimet financiare disponibel do të vazhdojë përpjekjet institucionale të cilat synojnë modernizimin dhe reformimin e institucionit me qëllim që të reflektojmë tiparet dhe standardet ndërkombëtare të Institucioneve Supreme të Auditimit INTOSAI dhe fokusimin e veprimtarisë audituese me impakt, forcimin e llogaridhënjes publike, të integritetit, transparencës institucionale.

EKIPI I MENAXHIMIT TE PROGRAMIT

1. Luljeta Nano, Sekretare e Pergjithshme
2. Elina Bregaj, Nepunese Zbatuese
3. Edlira Sako, Drejtore se Burimeve Njerezore
4. Aldo Kita, Drejtor Drejtorie teknologjise sw Informacionit.
5. Neim Begolli, Pergjegjes i Sektorit te Sherbimeve
6. Alma Shehu, Specialiste ne Drejtorine e Komunikimit Botimit, Marredhenjeve me Jashte
7. Qeram Cibaku, Drejtor i Departamenti se Metodologjise , Standarteve dhe Sigurimit te cilese.
9. Eljona Hyseni, me detyrë Specialiste Finance